

後漢書

三十九



列傳卷第七十六 范曄 後漢書

唐章懷太子賢注

南蠻 西南夷



昔高辛氏有犬戎之寇高辛帝嘗帝患其侵暴

而征伐不剋乃訪募天下有能得犬戎之

將吳將軍頭者購黃金千鎰邑萬家又妻

以少女時帝有畜狗其毛五采名曰槃瓠

魏略曰高辛氏有老婦居正室得耳疾挑之乃得物大如蘭婦人盛瓠中覆之以槃瓠頃化為犬其文五色因名

槃瓠 下令之後槃瓠遂銜人頭造闕下羣

後漢列傳二二六

臣怪而診之乃吳將軍首也診候視也帝大喜

而計槃瓠不可妻之以女又無封爵之道

議欲有報而未知所宜女聞之以為帝皇

下令不可違信因請行帝不得已乃以女

配槃瓠槃瓠得女負而走入南山止石室

中所處險絕人跡不至今辰州盧溪縣西有武山黃閔武陵記曰山高

可萬仞山半有槃瓠石室可容數萬人中有石牀槃瓠行跡今案山窟前有石羊石獸古跡奇異尤多望

石窟大如三間屋遙見一石仍似於是女解去衣

裳為僕鑿之結著獨力之衣僕鑿獨力皆未詳流俗本或有

改監字為擊者妄穿鑿也結音髻帝悲思之遣使尋求輒遇

風雨震晦使者不得進經三年生子一十

二人六男六女槃瓠死後因自相夫妻織

績木皮染以草實好五色衣服製裁皆有

尾形干寶晉紀曰武陵長沙盧江郡夷槃瓠之後也雜處五溪之內槃瓠憑山阻險每每常為

害揉雜魚肉叩槽而號以祭槃瓠俗稱赤髀橫裙即其子孫其母後歸以狀

白帝於是使迎致諸子衣裳班蘭語言侏

離侏離蠻夷語聲也好入山壑不樂平曠帝順其意

賜以名山廣澤其後滋蔓號曰蠻夷外癡

後漢列傳三十一

二

三十一

內黠安土重舊以先父有功母帝之女田

作賈販無關梁符傳租稅之賦優寵之故蜀其賦役也荆

州記曰沅陵縣居西口有上就武陽二鄉唯此是槃瓠子孫狗種也二鄉在武漢之北有邑

君長皆賜印綬冠用獺皮名渠帥曰精夫

相呼為媿徒說文曰媿女人自稱媿我也音鳥朗反此已上並見風俗通也今

長沙武陵蠻是也其在唐虞與之要質故

曰要服夏商之時漸為邊患逮于周世黨

衆彌盛宣王中興乃命方叔南伐蠻方詩

人所謂蠻荆來威者也又曰蠢爾蠻荆大

邦為讎

毛詩小雅序曰采芑宣王南征也薄言芑芑于彼新田顯允方叔振旅闐闐轟轟

荆六邦為讎注云方叔卿士命而為將也

明其黨眾繁多是以抗

諸夏也平王東遷蠻遂侵暴上國晉文侯

輔政乃率蔡共戾擊破之

晉文侯仇也

至楚武王

時蠻與羅子共敗楚師殺其將屈瑕

左傳楚屈

瑕伐羅及鄢亂次以濟其水遂無次且不設備羅與盧戎兩軍之大敗之莫放縊于荒谷羣帥囚于冶父

也莊王初立

莊王名旅穆王之子

民飢兵弱復為所寇

楚師既振然後乃服自是遂屬於楚鄢陵

之役蠻與恭王合兵擊晉

左傳晉楚戰于鄢陵晉卻至曰楚二

後漢列傳七十六

卿相惡王卒以舊鄭陳而不整蠻軍而不陳也

及吳起相悼王南并蠻

越遂有洞庭蒼梧秦昭王使白起伐楚略

取蠻夷始置黔中郡漢興改為武陵

黔中故城

在今辰州沅陵縣西

歲令大人輸布一匹小口二丈是

謂實布

說文曰南蠻賦也才冬反

雖時為寇盜而不足為

郡國患光武中興武陵蠻夷特盛建武二

十三年精夫相單程等據其險隘大寇郡

縣遣武威將軍劉尚發南郡長沙武陵兵

萬餘人乘船泝沅水入武谿擊之

沅水出柯嶽

東北經辰州潭州岳州經洞庭湖入江也

尚輕敵入險山深水疾舟

船不得上蠻氏知尚糧少入遠又不曉道

徑遂屯聚守險尚食盡引還蠻緣路徼戰

尚軍大敗悉為所沒二十四年相單程等

下攻臨沅遣謁者李嵩中山太守馬成擊

之不能剋明年春遣伏波將軍馬援中郎

將劉匡馬武孫永等將兵至臨沅擊破之

單程等飢困乞降會援病卒謁者宗均聽

悉受降為置吏司羣蠻遂平肅宗建初元

後漢列傳七十六

四

李藩

年武陵澧中蠻陳從等反叛入零陽蠻界

零陽縣屬武陵郡

其冬零陽蠻五里精夫為郡擊破

從從等皆降三年冬淩中蠻覃兒健等復

反

淩水名源出今澧州崇義縣也

攻燒零陽作唐孱陵界中

作唐縣屬武陵郡孱陵縣故城在今荆州公安縣西南孱音仕顏反

明年春發荆

州七郡及汝南潁川施刑徒吏士五千餘

人拒守零陽募充中五里蠻精夫不叛者

四千人擊澧中賊

充縣屬武陵郡充音衝

五年春覃兒

健等請降不許郡因進兵與戰於宏下大

破之斬兒健首餘皆奔營走還淩中復遣  
乞降乃受之於是罷武陵屯兵賞賜各有  
差和帝永元四年冬淩中蠻潭戎等  
反燔燒郵亭殺略吏民郡兵擊破降之安  
帝元初二年澧中蠻以郡縣徭稅失平懷  
怨恨遂結充中諸種二千餘人攻城殺長  
吏州郡募五里蠻六亭兵追擊破之皆散  
降賜五里六亭渠帥金帛各有差明年秋  
淩中澧中蠻四千人並為盜賊又零陵蠻  
羊孫陳湯等千餘人零陵縣屬武陵郡也著赤幘稱  
將軍燒官寺抄掠百姓州郡募善蠻討平  
之順帝永和元年武陵太守上書以蠻夷  
率服可比漢人增其租賦議者皆以為可  
尚書令虞詡獨奏曰自古聖王不臣異俗  
非德不能及威不能加知其獸心貪婪難  
率以禮是故羈縻而綏撫之附則受而不  
逆叛則弃而不追先帝舊典貢稅多少所  
由來久矣今猥增之必有怨叛計其所符

不償所費必有後悔帝不從其冬澧中蠻  
中蠻果爭貢布非舊約遂殺鄉吏舉種反  
叛明年春蠻二萬人圍充城八千人寇夷  
道遣武陵太守李進討破之斬首數百級  
餘皆降服進乃簡選良吏得其情和在郡  
九年梁太后臨朝下詔增進秩二千石賜  
錢二十萬相帝元嘉元年秋武陵蠻詹山  
等四千餘人反叛拘執縣令屯結深山至  
永興元年太守應奉以恩信招誘皆悉降  
散永壽三年十一月長沙蠻反叛屯益陽  
至延熹三年秋遂抄掠郡界衆至萬餘人  
殺傷長吏又零陵蠻入長沙冬武陵蠻六  
千餘人寇江陵荊州刺史劉度謁者馬睦  
南郡太守李肅皆奔走肅主簿胡爽扣馬  
首諫曰蠻夷見郡無儆備故敢乘間而進  
明府爲國大臣連城千里舉旄鳴鼓應聲  
十萬奈何委符守之重而爲逋逃之人乎  
肅拔刃向爽曰掾促去太守今急何暇此



計爽抱馬固諫肅遂殺爽而走帝聞之徵肅弃市度睦減死一等復爽門閭拜家人為郎於是以前校令度尚為荊州刺史討長沙賊平之又遣車騎將軍馮緄討武陵蠻並皆降散軍還賊復寇桂陽太守廖析奔走廖音力武陵蠻亦更攻其郡太守陳奉率吏人擊破之斬首三千餘級降者二千餘人至靈帝中平三年武陵蠻復叛寇郡界州郡擊破之禮記稱南方曰蠻雕

後漢列傳七十六

七

林靈

題交趾其俗男女同川而浴故曰交趾題

也雕之謂刻其肌以丹青涅也其西有噉人國生首子輒解

而食之謂之宜弟味旨則以遺其君君喜

而賞其父取妻美則讓其兄今烏澣人是

也萬震南州異物志曰烏澣地名也在廣州之南交州之北恒出道間伺候行旅輒出擊之利得人食

之不貪其財貨並以其肉為肴菹又取其鬮交趾體破之以飲酒以人掌趾為珍異以食長老

之南有越裳國周公居攝六年制禮作樂

天下和平越裳以三象重譯而獻白雉曰

道路悠遠山川岨深音使不通故重譯而

朝成王以歸周公公曰德不加焉則君子  
不饗其質質亦贊也政不施焉則君子不臣其

人吾何以獲此賜也其使請曰吾受命吾

國之黃耆爾雅曰黃髮也昔耆老壽也曰久矣天之無烈

風雷雨尚書大傳作別風注雨意者中國有聖人乎有

則盍往朝之周公乃歸之於王事見尚書大傳稱

先王之神致以薦于宗廟周德既衰於是

稍絕及楚子稱霸朝貢百越秦并天下威

服蠻夷始開領外置南海桂林象郡漢興

後漢列傳二十六尉佗自立為南越王傳國五世前書南粵王趙佗真定人

也秦時為南海尉佗孫胡胡子嬰齊嬰齊子興也至武帝元鼎五年遂

滅之分置九郡交趾刺史領焉其珠崖儋

耳二郡在海洲上東西千里南北五百里

其渠帥貴長耳皆穿而縋之垂肩三寸武

帝末珠崖太守會稽孫幸調廣幅布獻之

蠻不堪役遂攻郡殺幸幸子豹合率善人

還復破之自領郡事討擊餘黨連年乃平

豹遣使封還印綬上書言狀制詔即以豹

豹遣使封還印綬上書言狀制詔即以豹

為珠崖太守

即就也

威政大行獻命歲至中

國貪其珍賂漸相侵侮故率數歲一反元

帝初元三年遂罷之凡立郡六十五歲逮

王莽輔政元始二年日南之南黃支國來

獻犀牛凡交趾所統雖置郡縣而言語各

異重譯乃通人如禽獸長幼無別項髻徒

跣

為髻於項上也

以布貫頭而著之後頗徙中國罪

人使雜居其間乃稍知言語漸見禮化光

武中興錫光為交趾任延守九真於是教

後漢傳七十六

九

五

其耕稼制為冠履初設媒娉始知姻娶建

立學校導之禮義建武十二年九真徼外

蠻里張游

里蠻之別號今呼為俚人

率種人慕化內屬封

為歸漢里君明年南越徼外蠻夷獻白雉

白菟至十六年交趾女子徵側及其妹徵

貳反攻郡徼側者麓泠縣雒將之女也

音麓

莫支反

嫁為朱戴人詩索妻甚雄勇交趾

太守蘇定以法繩之側忿故反於是九真

日南合浦蠻里皆應之凡略六十五城自

立為王交阯刺史及諸太守僅得自守光武乃詔長沙合浦交阯具車舩修道橋通障谿儲糧穀十八年遣伏波將軍馬援樓舩將軍段志發長沙桂陽零陵蒼梧兵萬餘人討之明年夏四月援破交阯斬徵側徵貳等餘皆降散進擊九真賊都陽等破降之徙其渠帥三百餘口於零陵於是領表悉平肅宗元和元年日南徼外蠻夷究不事人究不事人蠻夷別號也邑豪獻生犀白雉和帝

後漢列傳七十六

十一

陳

永元十二年夏四月日南象林蠻夷二千餘人寇掠百姓燔燒官寺郡縣發兵討擊斬其渠帥餘衆乃降於是置象林將兵長史以防其患安帝永初元年九真徼外夜郎蠻夷舉土內屬開境千八百四十里元初二年蒼梧蠻夷反叛明年遂招誘鬱林合浦蠻漢數千人攻蒼梧郡鄧太后遣侍御史任遠連音卓奉詔赦之賊皆降散延光元年九真徼外蠻貢獻內屬三年日南徼

外蠻復來內屬順帝永建六年日南徼外  
葉調王便遣使貢獻帝賜調便金印紫綬  
永和二年日南象林徼外蠻夷區憐等數  
千人攻象林縣燒城寺殺長吏交阯刺史  
樊演發交阯九真二郡兵萬餘人救之兵  
士憚遠役遂反攻其府二郡雖擊破反者  
而賊執轉盛會侍御史賈昌使在日南即  
與州郡并力討之不利遂爲所攻圍歲餘  
而兵穀不繼帝以爲憂明年召公卿百官

及四府掾屬問其方略皆議遣大將發荆  
揚充豫四萬人赴之大將軍從事中郎李  
固駁曰若荆揚無事發之可也今二州盜  
賊槃結不散武陵南郡蠻夷未輯長沙桂  
陽數被徵發如復擾動心更生患其不可  
一也又充豫之人卒被徵發遠赴萬里無  
有還期詔書迫促必致叛亡其不可二也  
南州水土溫暑加有瘴氣致死亡者十必  
四五其不可三也遠涉萬里士卒疲勞比

至領南不復堪鬪其不可四也軍行三十  
里爲程而去日南九千餘里三百日乃到  
計人稟五升古升小故曰五升也用米六十萬斛不計  
將吏驢馬之食但負甲自致費便若此其  
不可五也設軍到所在死亡必衆旣不足  
禦敵當復更發此爲刻割心腹以補四支  
其不可六也九真日南相去千里發其吏  
民猶尚不堪何況乃苦四州之卒以赴萬  
里之艱哉其不可七也前中郎將尹就討

後漢列傳七十六

三

陳震

益州叛羌益州諺曰虜來尚可尹來殺我  
後就徵還以兵付刺史張喬喬因其將吏  
旬月之間破殄寇虜此發將無益之効州  
郡可任之驗也宜更選有勇略仁惠任將  
帥者以爲刺史太守悉使共住交阯今日  
兵單無穀守旣不足戰又不能可一切  
徙其吏民北依交阯事靜之後乃命歸本  
還募蠻夷使自相攻轉輸金帛以爲其資  
不能反聞致頭首者許以封侯列土之賞

故并州刺史長沙祝良性多勇決又南陽

張喬前在益州有破虜之功皆可任用昔

太宗就加魏尚為雲中守

前書曰魏里人魏尚為雲中守

以斬首捕虜上功不實免馮唐言之於文帝帝今唐持節赦尚復以為雲中守

哀帝即拜

龔舍為太山太守

前書曰舍字君倩初徵為諫大夫病免復徵為博士又病

去頃之哀帝遣使即楚拜舍為太山太守也

宜即拜良等便道之官

四府悉從固議即拜祝良為九真太守張

喬為交阯刺史喬至開示慰誘並皆降散

良到九真單車入賊中設方略招以威信

後漢列傳七十六

十三

劉仲

降者數萬人皆為良築起府寺由是嶺外

復平建康元年日南蠻夷千餘人復攻燒

縣邑遂扇動九真與相連結交阯刺史九

江夏方開恩招誘賊皆降服時梁太后臨

朝美方之功遷為桂陽太守相帝永壽三

年居風令貪暴無度縣人朱達等及蠻夷

相聚攻殺縣令眾至四五千人進攻九真

九真太守兒式戰死

兒音五兮反

詔賜錢六十萬

年十二人為郎遣九真都尉魏朗討破之

斬首二千級渠帥猶屯據日南衆轉彊盛  
延熹三年詔復拜夏方爲交阯刺史方威  
惠素著日南宿賊聞之二萬餘人相率詣  
方降靈帝建寧三年鬱林太守谷永以恩  
信招降烏滸人十餘萬內屬皆受冠帶開  
置七縣熹平二年冬十二月日南徼外國  
重譯貢獻光和元年交阯合浦烏滸蠻反  
叛招誘九真日南合數萬人攻沒郡縣四  
年刺史朱雋擊破之六年日南徼外國復

來言獻

後漢列傳二十六

十四

李鼎

巴郡南郡蠻本有五姓巴氏樊氏暉氏音審

相氏鄭氏皆出於武落鍾離山代本曰廩君之先故出巫

其山有赤黑二穴巴氏之子生於赤穴

四姓之子皆生黑穴未有君長俱事鬼神

乃共擲劍於石穴約能中者奉以爲君巴

氏子務相乃獨中之衆皆歎又令各乘土

船約能浮者當以爲君餘姓悉沈唯務相

因共立之是爲廩君乃乘土船從夷



水至鹽陽

荆州圖曰副夷縣西有温泉古者相傳此泉元出鹽于今水有鹽氣縣西一獨

山有石穴有二大石並立穴中相去可一丈俗名為陰陽石陰石常濕陽石常燥盛弘之荆州記曰昔廩

君浮夷水射鹽神于陽石之上案今施州清江縣水一名鹽水源出清江縣西都亭山水經云夷水巴都

魚復縣注云水色清照十丈分沙石蜀人見澄清因名清江也鹽水有神女謂

廩君曰此地廣大魚鹽所出願留共居廩

君不許鹽神暮輒來取宿旦即化為蟲與

諸蟲羣飛掩蔽日光天地晦冥積十餘日

廩君思其便因射殺之天乃開明代本曰廩君

操青縷以遺鹽神曰嬰此即相宜云與女俱生言將云鹽神受縷而嬰之廩君即立陽石上應青縷

射之中鹽神鹽神死天乃大開也廩君於是君乎夷城此已上

見代本也四姓皆臣之廩君死魂魄世為白虎

巴氏以虎飲人血遂以人祠焉及秦惠王

并巴中以巴氏為蠻夷君長世尚秦女其

民爵比不更有罪得以爵除其君長歲出

賦二千一十六錢三歲一出義賦千八百

錢其民戶出帛布八丈二尺雞羽三十錢

說文帛南郡蠻夷布也音公亞反毛詩四鍤既以儀

矢一乘鄭玄曰鍤猶候也候物而射之也漢興南部太守靳彊

張一百四十九俗本帛鐵者並誤也

一依秦時故事至建武二十三年南郡潯

山蠻雷遷等始反叛潯音屠寇掠百姓遣武

威將軍劉尚將萬餘人討破之徙其種人

七千餘口置江夏界中今沔中蠻是也和

帝永元十三年巫蠻許聖等巫縣屬南郡以郡

收稅不均懷怨恨遂屯聚反叛明年夏遣

使者督荊州諸郡兵萬餘人討之聖等依

憑岨隘久不破諸軍乃分道並進或自巴

郡魚復數路攻之蠻乃散走斬其渠帥乘

勝追之大破聖等聖等乞降復悉徙置江

夏靈帝建寧二年江夏蠻叛州郡討平之

光和二年江夏蠻復反與廬江賊黃穰相

連結十餘萬人攻沒四縣寇患系年廬江

太守陸康討破之餘悉降散

板楯蠻夷者秦昭襄王時有一白虎常從

羣虎數遊秦蜀巴漢之境傷害千餘人昭

王乃重募國中有能殺虎者賞邑萬家金

百鎰時有巴郡閬中夷人能作白竹之弩

大三百二十六八 後漢列傳 十六 一六 能造

乃登樓射殺白虎

華陽國志曰巴夷廖仲等射殺之也

昭王立

之而以其夷人不欲加封乃刻石盟要復

夷人頃田不租十妻不筭

優寵之故一戶免其一頃田之稅

有十妻不輸口筭之錢復音福

傷人者論殺人得以俛錢贖

死

何承天纂文曰俛蠻夷贖罪貨也音徒濫反

盟曰秦犯夷輸黃龍

一雙夷犯秦輸清酒一鍾夷人安之至高

祖為漢王發夷人還伐三秦秦地既定乃

遣還巴中復其渠帥羅朴督鄂度夕龔七

姓不輸租賦餘戶乃歲入實錢口四十世

後漢列傳十六

十七

取

號為板楯蠻夷閬中有渝水其人多居水

左右天性勁勇初為漢前鋒數陷陳俗喜

歌舞

喜音虛記反

高祖觀之曰此武王伐紂之

歌也乃命樂人習之所謂巴渝舞也遂世

世服從至于中興郡守常率以征伐相帝

之世板楯數反太守蜀郡趙溫以恩信降

服之靈帝光和三年巴郡板楯復叛寇掠

三蜀及漢中諸郡靈帝遣御史中丞蕭瑗

督益州兵討之連年不能剋帝欲大發兵

乃問益州計吏考以征討方略漢中上計  
程包對曰板楯七姓射殺白虎立功先世  
復為義人其人勇猛善於兵戰昔永初中  
羌入漢川郡縣破壞得板楯救之羌死敗  
殆盡故號為神兵羌人畏忌傳語種輩勿  
復南行至建和二年羌復大入實賴板楯  
連摧破之前車騎將軍馮緄南征武陵雖  
受丹陽精兵之銳

史記曰周成王封楚熊繹始居丹陽今歸州秭歸縣東南

故城是也至楚文王始自丹陽遷於郢

亦倚板楯

以成其功近益州郡亂太守李顥亦以板  
楯討而平之忠功如此本無惡心長吏鄉  
亭更賦至重僕役繁楚過於奴虜亦有嫁  
妻賣子或乃至自頸割雖陳寃州郡而牧  
守不為通理闕庭悠遠不能自聞含怨呼  
天叩心窮谷愁苦賦役困羅酷刑故邑落  
相聚以致叛戾非有謀主僭號以圖不軌  
今但選明能牧守自然安集不煩征伐也  
帝從其言遣太守曹謙宣詔赦之即皆降

服至中平五年巴郡黃巾賊起板楯蠻夷  
因此復叛寇掠城邑遣西園上軍別部司  
馬趙瑾討平之

西南夷者在蜀郡徼外有夜郎國東接交  
趾西有滇國北有邛都國各立君長其人  
皆椎結左衽邑聚而居能耕田其外又有

舊昆明諸落西極同師東北至葉榆

葉榆縣屬

益州郡葉或作株臣賢案前書曰西自同師以東北至葉榆名為舊昆明今流俗諸本並作布舊昆明蓋舊字誤分地方數千里無君長辮髮隨畜遷

後漢列傳七六

十九

朱明

徙無常自舊東北有茆都國東北有冉駹  
國或土著或隨畜遷徙自冉駹東北有白  
馬國氏種是也此三國亦有君長

夜郎者初有女子涉於遯水有三節大竹  
流入足間聞其中有號聲剖竹視之得一  
男兒歸而養之及長有才武自立為夜郎

侯以竹為姓

見華陽國志

武帝元鼎六年平南夷

為牂柯郡夜郎侯迎降天子賜其王印綬  
後遂殺之夷獠咸以竹王非血氣所生甚

重之求為立後牂柯太守吳霸以聞天子  
乃封其三子為侯死配食其父今夜郎縣

有竹王三郎神是也

前書地理志曰夜郎縣有  
邛水東至廣鬱華陽國志

云邛水通鬱林有三郎祠皆有靈響又云竹王所捐  
破竹於野成竹林今王祠竹林是也王嘗從人止大

石上命作羹從者白無水王以  
劍擊石出水今竹王水是也

初楚傾襄王時

遣將莊豪從沅水伐夜郎軍至且蘭椽舩

於岸而步戰既滅夜郎因留王滇池以且

蘭椽舩牂柯處乃改其名為牂柯

異物志曰  
牂柯繫舩

也牂柯地多雨潦俗好巫鬼禁忌烹畜田生

又無蠶桑故其郡最貧句町縣有桄榔木

可以為麩百姓資之

臨海異物志曰桄榔木外  
皮有毛似桄榔而散生其

木剛作鋸鋤利如鐵中石更利唯中焦根乃致敗耳  
皮中有似檣稻米片又似麥麩中作餅餌廣志曰桄

根樹大四五圍長五六丈洪直旁無枝條其顛生葉  
不過數十似檣葉破其木肌堅難傷入數寸得麩赤

黃密緻  
可食也

公孫述時大姓龍傳尹董氏與郡

功曹謝暹保境為漢乃遣使從番禺江奉

貢

南越志曰番禺縣  
之西有江浦焉

光武嘉之並加褒賞相

帝時郡人尹珍自以生於荒裔不知禮義

乃從汝南許慎應奉受經書圖緯學成還

鄉里教授於是南域始有學焉珍官至荊州刺史

華陽國志曰尹珍字道真母斂縣人也

滇王者莊蹻之後也元封二年武帝平之以其地爲益州郡割牂柯越巂各數縣配之後數年復并昆明地皆以屬之此郡有池周回二百餘里水源深廣而末更淺狹有似倒流故謂之滇池河土平敞多出鸚鵡孔雀有鹽池田漁之饒金銀畜產之富人俗豪怙

怙奢侈也

居官者皆富及累世及王

後漢列傳十一

六

李用

莽政亂益州郡夷棟蠶若豆等起兵殺郡守越巂姑復夷人大牟亦皆叛殺略吏人

莽遣寧姑將軍廉丹發巴蜀吏人及轉兵

穀卒徒十餘萬擊之吏士飢疫連年不能

剋而還以廣漢文齊爲太守造起陂池開

通漑灌墾田二千餘頃率厲兵馬修障塞

降集羣夷甚得其和及公孫述據益土齊

固守拒險述拘其妻子許以封侯齊遂不

降聞光武即位乃間道遣使自聞蜀平得

為鎮遠將軍封成義侯

取其嘉名

於道卒詔為

起祠堂郡人立廟祀之建武十八年夷渠

帥棟蠶與姑復棟揄棟連然滇池建伶

昆明諸種反叛殺長吏

姑復縣屬越嵩郡餘六縣並屬益州郡也

益州太守繁勝與戰而敗退保朱提

縣屬朱提

音殊提音匙

十九年遣武威將軍劉尚等發廣漢

犍為蜀郡人及朱提夷合萬三千人擊之

尚軍遂度瀘水入益州界

瀘水一名若水出旄牛徼外經朱提

至犍道入江在今嵩州南特有障氣三月四月經之必死五月以後行者得無害故諸葛表云五月度瀘

言其艱苦也

羣夷聞大兵至皆奔壘奔走向獲其

羸弱穀畜二十年進兵與棟蠶等連戰數

月皆破之明年正月追至不韋

孫盛蜀譜曰初秦徙呂不

韋子弟宗族於蜀漢武帝開西南夷置郡縣徙呂氏以充之因置不韋縣華陽國志曰武帝通博南出直

不韋縣徙南越相呂嘉子孫宗族資

斬棟蠶帥凡

首虜七千餘人得生口五千七百人馬三

千疋牛羊三萬餘頭諸夷悉平肅宗元和

中蜀郡王追為太守政化尤異有神馬四

匹出滇池河中甘露降白鳥見始興起學



校漸遷其俗靈帝熹平五年諸夷反叛  
太守雍陟遣御史中丞朱龜討之不能剋  
朝議以爲郡在邊外蠻夷喜叛勞師遠役  
不如弃之太尉掾巴郡李顥建策討伐乃  
拜顥益州太守與刺史龐芝發板楯蠻擊  
破平之還得雍陟顥卒後夷人復叛以廣  
漢景毅爲太守討定之毅初到郡米斛萬  
錢漸以仁恩少年間米至數十云少年未  
多年也  
哀牢夷者其先有婦人名沙壹居于牢山

嘗捕魚水中觸沈木若有感因懷姙十月  
產子男十人後沈木化爲龍出水上沙壹  
忽聞龍語曰若爲我生子今悉何在九子  
見龍驚走獨小子不能去背龍而坐龍因  
舐之其母鳥語謂背爲九謂坐爲隆因名  
子曰九隆及後長大諸兄以九隆能爲父  
所舐而黠遂共推以爲王後牢山下有一  
夫一婦復生十女子九隆兄弟皆娶以爲  
妻後漸相滋長種人皆刻畫其身象龍

亦皆著尾

自此以上並見風俗通也

九隆死世世相繼

傳曰

傳曰九隆代代相傳名號不可得而數至於禁高乃

可記知禁高死子吸代吸死子建非代建非死子哀

牢代哀牢死子桑藕代桑藕死子柳承代柳承死子

王往往邑居散在谿谷絕域荒外山川阻

深生人以來未嘗交通中國建武二十三

年其王賢栗遣兵乘箬船箬音蒲佳反縛竹木為箬以當船也鹿芴

南下江漢擊附塞夷鹿芴芴音多其種今見在人弱為所禽獲於是震雷疾雨南風飄起

水為逆流翻涌二百餘里箬船沈沒哀牢

之眾溺死數千人賢栗復遣其六王將萬

人以攻鹿芴鹿芴王與戰殺其六王哀牢

耆老共埋六王夜虎復出其尸而食之餘

眾驚怖引去賢栗惶恐謂其耆老曰我曹

入邊塞自古有之今攻鹿芴輒被天誅中

國其有聖帝乎天祐助之何其明也二十

七年賢栗等遂率種人戶二千七百七十

口萬七千六百五十九詣越雋太守鄭鴻

降求內屬光武封賢栗等為君長自是

來朝貢永平十二年哀牢王柳貌遣子率

種人內屬其稱邑王者七十七人戶五萬

一千八百九十口五十五萬三千七百一

十一西南去洛陽七千里顯宗以其地置

哀牢博南二縣割益州郡西部都尉所領

六縣古今注曰永平十年置益州西部都尉居雋唐續漢志六縣謂不韋雋唐比蘇撲榆邪董

雲南也合為永昌郡始通博南山度蘭倉水

畢陽國志曰博南縣西山高三十里越之度蘭滄水也行者苦之歌曰漢

德廣開不賓度博南越蘭津度蘭倉為它

後漢列傳七十六

二十五

章

人哀牢人皆穿鼻儋耳其渠帥自謂王者

耳皆下肩三寸庶人則至肩而已土地沃

美宜五穀蠶桑知染采文繡蜀毼蜀解見李恂傳毼未

詳帛疊外國傳曰諸薄國女織作白疊花布蘭干細布華陽國志曰蘭

干撩織成文章如綾錦有梧桐木華績以

為布廣志曰梧桐有白者剽國有桐木其華有白毳取其毳淹漬緝織以為布也幅廣

五尺絜白不受垢汗先以覆亡人然後服

之其竹節相去一丈名曰濮竹見華陽國志出銅

鐵鉛錫金銀光珠華陽國志曰蘭滄水有金沙洗只擊為金有龍珠

志曰光珠也虎魄廣雅曰虎魄生地中其上及旁不

即江珠也生草深者八九尺大如斛削去皮

成虎魄如斗初時如桃膠疑堅乃成博物志曰松脂

淪入地千年化為伏苓伏苓千歲化為虎魄今太山

有伏苓而無虎魄永水精瑠璃軻蟲蚌珠徐哀

昌有虎魄而無伏苓南方

草物狀曰凡採珠常三月用五牲祈禱若祠祭有失

則風攪海水或有大魚在蚌左右蚌珠長三寸半凡

二品珠也孔雀翡翠犀象猩猩貊獸鄺元水經注

狗而人面頭顏端正善與人言音聲妙麗如婦人對

語聞之無不酸楚南中志曰猩猩在山谷中行無常

路百數為羣土人以酒若糟設於路又喜躡子土人

織草為屨數十量相連結猩猩在山谷見酒及屨知

其設張者即知張者先祖名字乃呼其名而罵云奴

欲張我捨之而去去而又還相呼試共嘗酒初嘗少

許又取屨子著之若進兩三升便大醉人出收之屨

子相連不得去執還內牢中人欲取者到牢邊語云

大并小四六 後漢列傳七十六 二十六 應德

猩猩汝可自相推肥者出之既擇肥竟相對而泣即

左思賦云猩猩啼而就禽者也昔有人以猩猩餉封

溪令令問餉何物猩猩自於籠中曰但有酒及僕耳

無它飲食南中八郡志曰貊太如驢狀頗似熊多力

食鐵所觸無不拉廣志雲南縣有神鹿兩頭能

曰貊色蒼白其皮溫暖

食毒草見華陽國志也先是西部都尉廣漢鄭純

為政清絜化行夷貊君長感慕皆獻土珍

頌德美天子嘉之即以為永昌太守純與

哀牢夷人約邑豪歲輸布貫頭衣二領鹽

一斛以為常賦夷俗安之純自為都尉太

守十年卒官建初元年哀牢王類牢與守

令忿爭遂殺守令而反叛攻越雋唐城太守王尋奔楮榆哀牢三千餘人攻博南燔燒民舍肅宗募發越雋益州永昌夷漢九千人討之明年春邪龍縣

郡國志曰屬永昌郡也

昆明

夷鹵承等應募率種人與諸郡兵擊類牢於博南大破斬之傳首洛陽賜鹵承帛萬匹封爲破虜傍邑侯永元六年郡徼外敦忍乙王莫延慕義遣使譯獻犀牛大象九年徼外蠻及掸國王雍由調

掸音擅東觀記作壇字

遣

後漢列傳七十一

後漢列傳七十一

二十一

應德

重譯奉國珍寶和帝賜金印紫綬小君長皆加印綬錢帛永初元年徼外焦僥種夷陸類等三千餘口舉種內附獻象牙水牛封牛永寧元年掸國王雍由調復遣使者詣闕朝賀獻樂及幻人能變化吐火自支解易牛馬頭又善跳丸數乃至千自言我海西人海西即大秦也掸國西南通大秦明年元會安帝作樂於庭封雍由調爲漢大都尉賜印綬金銀綵繒各有差也邛都

邛都夷者武帝所開以為邛都縣無幾而地陷為汙澤因名為邛池南人以為邛河

在今嵩州越嵩縣東南南中八郡志曰邛河縱廣岸二十里深百餘丈多大魚長一二丈頭特大遙想如戴鐵金狀李膺益州記云邛都縣下有一老姥家貧孤獨每食輒有小蛇頭上戴角在林間姥憐之餽之後稍長大遂長丈餘今有駿馬蛇遂吸殺之今因大忿姥恨責出蛇姥云在牀下今即掘地愈深愈大而無所見今又遷怒殺姥蛇乃感人以靈言曠今何殺我母當為母報讎此後每夜輒聞若雷若風四十許日百姓相見咸驚語汝頭那忽戴魚是夜方四十里與城一時俱陷為湖土人謂之為陷河唯姥宅無恙訖今猶存漁人採捕必依止宿每有風浪輒居宅側恬靜無它風靜水清猶見城郭樓櫓晏然今水淺時彼土人沒水取得舊木堅貞光黑如漆今好事人以為枕相贈畧音列  
後復反叛元

後漢列傳十一

二八

陳彦

鼎六年漢兵自越嵩水伐之以為越嵩郡

嵩水源出今嵩州邛部縣西南嵩山下前書地理志曰言其越嵩水以置郡故名焉其土地

平原有稻田青蛉縣禺同山有碧鷄金馬

光景時時出見 禺同山在今褒州楊波縣王褒碧鷄頌曰持節使王褒謹拜

崖昝移金精神焉縹碧之鷄處南之荒深谿回谷非土之鄉歸來歸來漢德無疆廉平唐虞澤配三皇華陽國志曰碧鷄光景人多見之前書音義曰金形似馬碧形似鷄也俗多游蕩而

喜謳歌略與梓柯相類豪帥放縱難得制

御王莽時郡守枚根調邛人長貴以為軍

備更始二年長貴率種人攻殺枚根自立

為邛穀王領太守事又降於公孫述述賂  
光武封長貴為邛穀王建武十四年長貴  
遣使上三年計天子即授越巂太守印綬  
十九年武威將軍劉尚擊益州夷路由越  
巂長貴聞之疑尚既定南邊威法必行已  
不得自放縱即聚兵起營臺招呼諸君長  
多釀毒酒欲先以勞軍因襲擊尚尚知其  
謀即分兵先據邛都遂掩長貴誅之徙其  
家屬於成都永平元年姑復夷復叛益州

後漢列傳七十六 二十九

陳從

刺史發兵討破之斬其渠帥傳首京師後  
太守巴郡張翕政化清平得夷人和在郡  
十七年卒夷人愛慕如喪父母蘇祁叟二

百餘人

續漢書志曰蘇祁縣屬越巂郡

齋牛羊送喪至翕本

縣安漢

安漢縣屬巴郡

起墳祭祀詔書嘉美為立祠

堂安帝元初三年郡徼外夷大羊等八種

戶三萬一千口十六萬七千六百二十慕

義內屬時郡縣賦斂煩數五年卷夷大牛

障封離等反畔殺遂久令

遂久故縣在今靡州界

明年

水昌益州及蜀郡夷皆叛應之衆遂十餘萬破壞二十餘縣殺長吏燔燒邑郭剽略百姓骸骨委積千里無人詔益州刺史張喬選堪能從事討之喬乃遣從事楊竦將兵至楮榆擊之賊盛未敢進先以詔書告示三郡密徵求武士重其購賞乃進軍與封離等戰大破之斬首二萬餘級獲生口千五百人資財四千餘萬悉以賞軍士封離等惶怖斬其同謀渠帥詣竦乞降竦厚加慰納其餘三十六種皆來降附竦因奏長吏姦猾侵犯蠻夷者九十人皆減死州中論功未及上會竦病創卒張喬深痛惜之乃刻石勒銘圖畫其像天子以張翕有遺愛乃拜其子湍爲太守夷人懽喜奉迎道路曰郎君儀貌類我府君後湍頗失其心有欲叛者諸夷耆老相曉語曰當爲先府君故遂以得安後順相聞廣漢馮翊太守政化尤多異迹去



祚都夷者武帝所聞以為祚都縣其人皆

被髮左衽言語多好譬類居處略與汶山

夷同土出長年神藥仙人山圖所居焉劉向

列仙傳曰山圖隴西人好乘馬馬踡折脚山中道士

教服地黃當歸羌活玄參服一年不嗜食病愈身輕

追道士問之自云五岳使人之名山採藥能隨吾汝

便不死山圖追隨人不復見六十餘年一旦歸來行

母服於冢間暮年復去莫知所之也元鼎六年以為沈黎郡至

天漢四年并蜀為西部置兩都尉一居旄

牛主徼外夷一居青衣主漢人永平中益

州刺史梁國朱輔好立功名慷慨有大略

後漢列傳七十六 三十一 李昇

東觀記輔作輔 梁國寧陵也在州數歲宣示漢德威懷遠

夷自汶山以西前世所不至正朔所未加

白狼槃木唐菽等百餘國戶百三十餘萬

口六百萬以上舉種奉貢稱為臣僕輔上

疏曰臣聞詩云彼徂者岐有夷之行詩周

傳曰岐道雖僻而人不遠韓詩薛君傳曰徂

也彼百姓歸文王者皆曰岐有易道可往歸矣易詩

道謂仁義之道而易行故岐道阻險而人不難

人誦詠以為符驗今白狼王唐菽等慕化

歸義作詩三章路經邛來大山零高坂海山

經曰岷山江水出焉郭璞曰中江所出也葦陽國志曰邛來山本名邛作故邛人祚人界也巖阻峻回曲折乃至山上疑冰夏結冬則劇寒王陽行部至此而退者也有長貧苦採八度之難陽毋閔峻並坂名

峭危峻險百倍歧道言詩人雖歎歧道之阻但以文王之道人以為夷易

今邛來峭危甚於岐強負老幼若歸慈母遠夷之語辭

意難正草木異種鳥獸殊類有犍為郡掾

田恭與之習狎頗曉其言臣輒令訊其風

俗譯其辭語今遣從事史李陵與恭護送

詣闕并上其樂詩昔在聖帝舞四夷之樂

解見陳禪傳今之所上庶備其一帝嘉之事下

史官錄其歌焉東觀記載其歌并載夷人本語並重譯訓詁為華言今范史所

載者是也今錄東觀夷言以為此注也遠夷樂德歌詩曰大漢是

治堤官隗構與天合意魏冒踰糟吏譯平端罔驛劉脾不從

我來旁莫支留聞風向化勸衣隨旅所見奇異知唐桑艾

多賜贈布邪毗繼編甘美酒食推潭僕遠昌樂肉飛

拓拒蘇使屈申悉備局後仍離蠻夷貧薄僕護龍洞無所

報嗣莫支度由願主長壽陽維僧鱗子孫昌熾莫稗角七

遠夷慕德歌詩曰蠻夷所處僕護皮尼日入之

部且交慕義向化繩動隨旅歸日出主路旦揀維聖

後漢列傳七十六 三十二 吳佐

德深恩

聖德渡諾

與人富厚

魏苗度洗

冬多霜雪

邪緯

流夏多和雨

苻邪尋螺

寒温時適

藟潯瀘灘

部人多

有

菌補邪推

涉危歷險

辟危歸險

不遠萬里

莫受萬柳

去

俗歸德

術疊附德

心歸慈母

仍路摹

遠夷懷德歌

曰荒服之外

荒服之儀

土地燒墉

犁籍憐憐

食肉衣

皮

咀蘇邪犁

不見鹽穀

莫碣麤沐

吏譯傳風

罔譯傳微

大

漢安樂

是漢夜拒

攜負歸仁

蹤優路仁

觸冒險陝

雷折

險高山岐峻

倫狼藏幢

緣崖磻石

扶路側祿

木薄發

家

息落服淫

百宿到洛

理歷髮維

父子同賜

捕菑菌毗

懷

抱匹帛

懷橐匹漏

傳告種人

傳室呼救

長願臣僕

陵陽

僕肅宗初輔坐事免是時郡尉府舍皆有

雕飾畫山神海靈竒禽異獸以眩耀之夷

人益畏憚焉和帝永元十二年旄牛徼外

白狼樓薄蠻夷王唐繒等遂率種人十七

萬口歸義內屬詔賜金印紫綬小豪錢帛

各有差安帝永初元年蜀郡三襄種夷與

徼外汗衍種并兵三千餘人反叛攻蠶陵

城殺長吏二年青衣道夷邑長令田

令姓田名

與徼外三種夷三十一萬口齎黃金旄牛

眊顧野王曰眊結毛為飾也即今馬及弓槩上纓眊也舉土內屬安帝增

令田爵號為奉通邑君延光二年春旄牛

夷叛攻零關郡國志零關道屬越雋郡殺長吏益州刺史

張喬與西部都尉擊破之於是分置蜀郡

屬國都尉領四縣如太守相帝永壽二年

蜀郡夷叛殺略吏民延熹二年蜀郡三襄

夷寇犛陵殺長吏四年犍為屬國夷寇郡

界益州刺史山昱擊破之斬首千四百級

後漢列傳一六 三十四

餘皆解散靈帝時以屬郡蜀國為漢嘉郡

丹驩夷者武帝所開元鼎六年以為汶山

郡至地節三年宣帝年也夷人以立郡賦重宣

帝乃省并蜀郡為北部都尉其山有六夷

七羌九氏各有部落其王侯頗知文書而

法嚴重貴婦人黨母族死則燒其尸土氣

多寒在盛夏冰猶不釋故夷人冬則避寒

入蜀為傭夏則違暑反其衆邑皆依山居

上累石為室高者至十餘丈為邛

彼土夷人呼為離也又土地剛鹵不生穀粟麻菽唯以

麥為資而宜畜牧有旄牛無角一名童牛

肉重千斤毛可為毼出名馬有靈羊可療

毒本草經曰零羊角味鹹無毒主療青盲蠱毒去惡鬼安心氣彊筋骨也又有食藥

鹿鹿麋有胎者其腸中糞亦療毒疾又有

五角羊麝香輕毛毼雞牲牲郭璞注山海經曰毼雞似雉而

大青色有毛角鬪敵死乃止其人能作旄毼班蜀青頓筆

毼羊羴之屬青頓羴羴並未詳字書無此二字周書伊尹為四方獻令曰正西昆侖狗

國鬼親枳已鬪耳貫匈雕題離丘漆齒請令以丹青白旄紕蜀龍角神龜為獻湯曰善何承天纂文曰紕

氏蜀也音卑疑特多雜藥地有鹹土煮以為

鹽麇羊牛馬食之皆肥麇即麇狼也異物志狀似鹿而角觸前向入林

樹掛角故恒在平淺草中肉肥脆香美逐入林則搏之皮可作履鞮角正四據南人因以為牀音子兮反

其西又有三河槃于虜北有黃石北地盧

水胡其表乃為徼外靈帝時復分蜀郡北

部為汶山郡去

白馬氏者武帝元鼎六年開分廣漢西部

公以為武都土地險阻有麻田出名馬牛

蜜氏人勇贍抵冒貪貨死利居於海

後漢列傳七十六 三十五

郭璞

池一名仇池方百頃四面斗絕

仇池山在成州上隸

南三秦記曰仇池縣界本名仇維山上有池故曰仇池山在倉洛二谷之間常為水所衝激故下石而上土形似覆壺仇池記曰仇池百頃周回九千四百步天形四方壁立千仞自然樓櫓卻敵分置調均竦起數丈有踰人功仇池凡二十一道可攀緣而上東西二門盤道下至上凡有七里上則崗阜低昂泉流交灌鄜元注水經云羊腸盤道三十六回開山圖謂之仇夷所謂積石峨嵋嶽岑隱阿者也上有平田百頃煮土成鹽因以數為邊寇郡縣討之則依固百頃為號也

自守元封三年氏人反叛遣兵破之分徙

酒泉郡昭帝元鳳元年氏人復叛遣執金

吾馬適建

姓馬適名建也

龍頷侯韓增大鴻臚田

後漢列傳七十六

三十六

陳政

廣明將三輔太常徒討破之及王莽篡亂

氏人亦叛建武初氏人悉附隴蜀及隗囂

滅其酋豪乃背公孫述降漢隴西太守馬

援上復其王侯君長賜以印綬後囂族人

隗茂反殺武都太守氏人大豪齊鍾留為

種類所敬信威服諸豪與郡丞孔奮擊茂

破斬之後亦時為寇盜郡縣討破之

論曰漢氏征伐戎狄有事邊遠蓋亦與王

業而終始矣至於傾沒疆垂喪師敗將者

不出時歲卒能開四夷之境欵殊俗之附

若乃文約之所沾漸風聲之所周流幾將

文約謂文書要約也

日所出入處也著自山經水志者

亦略及焉雖服叛難常威澤時曠及其他

行則緩耳雕脚之倫獸居鳥語之類

緩耳儂耳

也獸居謂穴居

莫不舉種盡落回回而請吏陵海

越障累譯以內屬焉故其錄名中郎校尉

之署

謂護匈奴中郎將及戊己校尉等

編數都護部守之曹

動以數百萬計若乃藏山隱海之靈物沈

後漢列傳十一

三十七

木仁

沙棲陸之瑋寶

珠王金碧珊瑚虎魄之類

莫不呈表怪履

雕被宮幄焉又其實悒火毳馴禽封獸之

賦軫積於內府

火毳即火浣布也馴禽鸚鵡也封獸象也神異經曰南方有火

山長四十里廣四五里生不燼之木晝夜火然得烈

風不猛暴雨不滅火中有鼠重百斤毛長二尺餘細

如絲恒居火中時時出外而色白以水逐沃之即死

績其毛織以作布用之若汗以火燒之則清潔也傳

子曰長老說漢相時梁翼作火浣布單衣會賓客行

酒公卿朝臣前佯爭酒失杯而汗之翼偽怒解衣而

燒之布得火燁然而熾如燒凡布夷歌曰舞殊音

異節之技列倡於外門豈柔服之道必足

於斯然亦去致遠者矣蠻夷雖附阻巖

而類有土居連涉荆交之區布護巴庸之  
外不可量極然其凶勇狡筭薄於羌狄故  
陵暴之害不能深也西南之徼尤為劣焉  
故關守永昌肇自遠離啓土立人至今成  
都焉

哀牢夷伐鹿多不得乃  
歸中國故言肇自遠離

贊曰百蠻蠢居伺彼方徼鏤體卉衣憑深

阻峭

蠢小貌也鏤體文  
身也卉衣草服也

亦有別夷屯彼蜀表

參差聚落紆餘岐道往化既孚改襟輸寶

孚信也  
襟衽也

俾建永昌同編億兆

後漢列傳三十六 三十八

後漢書列傳卷第七十六



列傳卷第七十七 范曄 後漢書八十七

唐章懷太子賢注

### 西羌

西羌之本出自三苗姜姓之別也其國近

南岳衡山也及舜流四凶徙之三危三危山在今沙州敦

煌縣東南山有三峯故曰三危也河關之西南羌地是也關

縣屬金城郡已上並續漢書文濱於賜支至乎河首繇地千

里賜支者禹貢所謂析支者也南接蜀漢

徼外蠻夷西北部善車師諸國所居無常

三四五

後漢列傳七十七

依隨水草地少五穀以產牧為業其俗氏

族無定或以父名母姓為種號十二世後

相與婚姻父沒則妻後母兄亡則納釐媵

寡婦曰釐力之反故國無鰥寡種類繁熾不立君

臣無相長一強則分種為酋豪弱則為人

附落更相抄暴以力為雄殺人償死無它

禁令其兵長在山谷短於平地不能持久

而果於觸突以戰死為吉利病終為不祥

耐寒苦同之禽獸雖婦人產子亦不避

風雲性堅剛勇猛得西方金行之氣焉帝黃

素問曰西方者金王之域沙石之處其人山居而多風水土剛強王政脩則賓服

德教失則寇亂昔夏后氏太康失國太康夏啓

之子盤于游田不恤人事四夷背叛及后相即

位乃征畎夷后相即太康孫仲康之子七年然後來賓至

于后泄始加爵命由是服從泄啓八代孫帝世之子也后

桀之亂畎夷入居邠岐之間邠今幽州也岐即岐州也成

湯既興伐而攘之及殷室中衰諸夷皆叛

至于武丁征西戎鬼方三年乃克武丁殷王也易曰高

宗伐鬼方前書音故其詩曰自彼氐羌莫敢

不來土殷頌及武乙暴虐犬戎寇邊帝武乙即

武丁五代孫無道為偶人像謂之天神與之博令人

代之行天神不勝而僂辱之又為革囊盛血仰而射

之命曰射天遂周古公踰梁山而避于岐下

梁山在今雍州好畤縣西北古公及子季歷遂

伐西落鬼戎竹書紀年武乙三十五年周王太丁

之時季歷復伐燕京之戎戎人大敗周師

太丁武丁子也竹書紀年曰太丁二後二年周人

克余無之戎於是太丁命季歷為牧師季歷

後漢列傳七十七

二

宋瑤

王之父也竹書紀年曰太丁四年周人伐余無之戎克之周王季命為殷牧師也自是之

後更伐始呼翳徒之戎皆克之竹書紀年曰太丁七年周

人伐始呼之戎克之十一年周及文王為西伯

西有昆夷之患北有獫狁之難遂攘戎狄

而戍之莫不賓服見詩小雅采薇篇乃率西戎征殷

之叛國以事紂左傳晉韓獻子曰文王率及武

王伐商羌鬻率師會于牧野尚書曰庸蜀羌

至穆王時戎狄不貢王乃西

征犬戎獲其五王又得四白鹿四白狼見史

後漢列傳七十七 三 周清

記王遂遷戎于太原夷王衰弱夷王穆王荒

服不朝乃命虢公率六師伐太原之戎至

于俞泉獲馬千匹見竹書紀年厲王無道戎狄

寇掠乃入犬丘殺秦仲之族犬丘縣名秦曰廢丘漢曰槐里

也王命伐戎不克及宣王立四年使秦仲

伐戎為戎所殺王乃召秦仲子莊公與兵

七千人伐戎破之由是少卻後二十七年

王遣兵伐太原戎不克後五年王伐條戎

戎王師敗績後二年晉人敗北戎于汾

隰二水名戎人滅姜侯之邑明年王征申戎

破之後十年幽王命伯士伐六濟之戎軍

敗伯士死焉並見竹書紀年其年戎圍犬丘虜秦襄

公之兄伯父時幽王昏虐四夷交侵遂廢

申后而立褒姒申侯怒與戎寇周殺幽王

於鄠山周乃東遷洛邑秦襄公攻戎救周

後二年邢侯大破北戎及平王之末周遂

陵遲戎逼諸夏自隴山以東及乎伊洛往

往有戎於是渭首有狄獯邾翼之戎狄即狄道

後漢列傳七十四

四

蔡仁

獯即獯道邾即上邾縣翼即翼縣也

洛川有大荔之戎洛川即洛水大荔古戎國秦獲之改曰臨晉今同州城是

也渭南有驪戎伊洛間有楊拒泉臯之戎

杜預注左傳云 穎首以西有蠻氏之戎左傳曰單浮餘

國蠻氏杜預注云梁南有霍陽山皆蠻子之邑

當春秋時間在中國與諸夏盟會魯莊公伐秦取邾翼之戎後十

餘歲晉滅驪戎是時伊洛戎強東侵曹魯

左傳莊公十八年公追戎于濟西杜預注戎侵魯魯人不知去乃追之二十四年戎侵曹也

後十九年遂入王城於是秦晉伐戎以救周

事並見左傳後二年又寇京師齊桓公徵諸

侯成周後九年陸渾戎自瓜州遷于伊川

瓜州今瓜州也事見僖二十二年允姓戎遷于渭汭允姓陰戎之祖與三

苗俱放三危見左傳東及轅轅在河南山北者號曰陰

戎陰戎之種遂以滋廣左傳哀公四年蠻子赤奔晉陰地杜預注曰陰

地河南山北自上晉文公欲脩霸業乃賂戎

狄通道以匡王室秦穆公得戎人由余遂

霸西戎開地千里由余其先晉人也亡入戎戎王聞穆公賢使由余觀秦秦

穆公以客禮待之秦遺戎王以女樂由余諫不聽由余乃降秦為謀伐戎及晉悼公又

後漢列傳七十七

五

林俊

使魏絳和諸戎復脩霸業魏絳晉大夫見左傳襄公十一年

是時楚晉強盛威服諸戎陸渾伊洛陰戎

事晉而蠻氏從楚後陸渾叛晉晉令荀吳

滅之荀吳晉大夫中行穆子也見左傳昭公元年後四十四年楚

執蠻氏而盡囚其人是時義渠大荔最強

築城數十皆自稱王至周貞王八年秦厲

公滅大荔取其地趙亦滅代戎即北戎也

韓魏復共稍并伊洛陰戎滅之其遺脫者

皆逃走西踰汧隴汧山隴山之間也自是中

國無戎寇唯餘義渠種焉至貞王二十五

年秦伐義渠虜其王即厲公二十三年伐也後十四年

義渠侵秦至渭陰後百許年義渠敗秦師

于洛後四年義渠國亂秦惠王遣庶長操

將兵定之操名也庶長秦爵也事見左傳義渠遂臣於秦後

八年秦伐義渠取郁郅縣名屬北地郡後二年義

渠敗秦師于李伯李伯地名未詳明年秦伐義渠

取徒涇二十五城徒涇縣名屬西河郡及昭王立義

渠王朝秦遂與昭王母宣太后通生二子

後漢列傳二十七

六

陳

至王赧四十三年宣太后誘殺義渠王於

甘泉宮因起兵滅之始置隴西北地上郡

焉戎本無君長夏后氏末及商周之際或

從侯伯征伐有功天子爵之以為藩服春

秋時陸渾蠻氏戎稱子戰國世大荔義渠

稱王及其衰亡餘種皆反舊為酋豪云

羌無弋爰劍者秦厲公時為秦所拘執以

為奴隸不知爰劍何戎之別也後得亡歸

而秦人追之急藏於巖穴中得免羌人

爰劍初藏穴中秦人焚之有景象如虎為其蔽火得以不死既出又與剗女遇於野

剗截鼻也

遂成夫婦女恥其狀被髮覆面羌人

因以為俗遂俱亡入三河間

續漢書曰遂俱亡入河湟間今

此言三河即黃河賜支河湟河也

諸羌見爰劍被焚不死怪其

神共畏事之推以為豪河湟間少五穀多

禽獸以射獵為事

湟水出金城郡臨羌縣

爰劍教之田

畜遂見敬信盧落種人依之者日益眾羌

人謂奴為無弋以爰劍嘗為奴隸故因名

之其後世世為豪至爰劍曾孫忍時秦獻

公初立欲復穆公之迹

穆公霸有西戎公今欲復之

兵臨

渭首滅狄獯戎

獯音丸

忍季父印畏秦之威

將其種人附落而南出賜支河曲西數千

里與眾羌絕遠不復交通其後子孫分別

各自為種任隨所之或為鬻牛種越舊羌

是也或為白馬種廣漢羌是也或為參狼

種武都羌是也忍及弟舞獨留湟中並多

娶妻婦忍生九子為九種舞生十七子為

十七種羌之興盛從此起矣及忍子研立時秦孝公雄強威服羌戎孝公使太子駟率戎狄九十二國朝周顯王研至豪健故羌中號其後為研種及秦始皇時務并六國以諸侯為事兵不西行故種人得以繁息秦既兼天下使蒙恬將兵略地西逐諸戎北卻眾狄築長城以界之眾羌不復南度至于漢興匈奴冒頓兵強破東胡走月氏威震百蠻臣服諸羌景帝時研種留何

後漢列傳七十一

八

吳佐

率種人求守隴西塞於是徙留何等於狄

道安故至臨洮氏道羌道縣氏音丁兮反五縣並屬隴西郡

及武帝征伐四夷開地廣境北卻匈奴西

逐諸羌乃度河湟築今居塞今居縣屬金城郡今音零初

開河西列置四郡酒泉武威張掖敦煌也通道玉門隔

絕羌胡使南北不得交關於是障塞亭燧

出長城外數千里時先零羌與封養牢姐

捕解仇結盟姐音紫與匈奴通合兵十餘萬

安故縣屬隴西郡



音漢遣將軍李息郎中令徐自為將兵

十萬人擊平之始置護羌校尉持節統領

焉羌乃去湟中依西海鹽池左右

金城郡臨羌縣有鹽

池漢遂因山為塞河西地空稍徙人以實

之至宣帝時遣光祿大夫義渠安國

義渠姓也

覘行諸羌其先零種豪言願得度湟水逐

人所不田處以為畜牧安國以事奏聞後

將軍趙充國以為不可聽後因緣前言遂

度湟水郡縣不能禁至元康三年先零乃

廿九

後漢列傳三十一

九

與諸羌大共盟誓言將欲寇邊帝聞復使安

國將兵觀之安國至召先零豪四十餘人

斬之因放兵擊其種斬首千餘級於是諸

羌怨怒遂寇金城乃遣趙充國與諸將將

兵六萬人擊破平之至研十三世孫燒當

立元帝時彡姐等七種羌寇隴西

彡音先廉反又所廉

遣右將軍馮奉世擊破降之從爰劍

反姐音紫

種五世至研研最豪健自後以研為種號

十三世至燒當復豪健其子孫更以燒當

復豪健其子孫更以燒當為種號自多姐  
羗降之後數十年四夷賓服邊塞無事至  
王莽輔政欲耀威德以懷遠為名乃令譯  
諷百諸羗使共獻西海之地初開以為郡  
築五縣邊海亭燧相望焉燧烽也

滇良者燒當之玄孫也時王莽末四夷內  
侵及莽敗眾羗遂還據為寇更始赤眉  
之際羗遂放縱寇金城隴西隗囂雖擁兵  
而不能討之乃就慰納因發其眾與漢相

拒建武九年隗囂死司徒掾班彪上言今  
涼州部皆有降羗羗胡被髮左衽而與漢  
人雜處習俗既異言語不通數與小吏黠  
人所見侵奪窮志無聊故致反叛夫蠻夷  
寇亂皆為此也舊制益州部置蠻夷騎都  
尉幽州部置領烏桓校尉涼州部置護羗  
校尉皆持節領護理其怨結歲時循行  
問所疾苦又數遣使驛通動靜使塞外羗  
夷為吏耳自州郡因此可得做備今宜

復如舊以明威防光武從之即以牛邯爲  
護羌校尉持節如舊及邯卒而職省十年  
先零豪與諸種相結復寇金城隴西遣中  
郎將來歆等擊之大破事已具歆傳十一  
年夏先零種復寇臨洮隴西太守馬援破  
降之後悉歸服徙置天水隴西扶風三郡  
明年武都參狼羌反援又破降之事已具  
援傳自燒當至滇良世居河北大允谷種  
小人貧而先零卑浦並皆強富數侵犯之

後漢列傳七十七

十一

林芳

浦音乃  
感反

滇良父子積見陵易憤怒而素有  
恩信於種中於是集會附落及諸雜種乃  
從大榆入掩擊先零卑浦大破之殺三千  
人掠取財畜奪居其地大榆中由是始強  
滇良子滇吾立中元元年武都參狼羌反  
殺略吏人太守與戰不勝隴西太守劉盱  
遣從事辛都監軍掾李苞將五千人赴武  
都與羌戰斬其酋豪首虜千餘人時武都  
兵亦更破之斬首千餘級悉降時滇吾

附落轉盛常雄諸羌每欲侵邊者滇吾

教以方略為其渠帥二年秋燒當羌滇吾

與弟滇岸率步騎五千寇隴西塞劉盱遣

兵於枹罕擊之不能克又戰於允街允音街

音階縣名屬金城郡為羌所敗殺五百餘人於是守塞

諸羌皆復相率為寇遣謁者張鴻領諸郡

兵擊之戰於允吾唐谷允音鈇吾音牙縣名屬金城郡唐谷故城在今

鄯州湟水縣西也軍敗鴻及隴西長史田颯皆沒又

天水兵為牢姐種所敗於白石死者千餘

後漢列傳七十一

十三

卓受

人白石縣名屬金城郡有白石山時燒何豪有婦人比銅鉗

者年百餘歲多智筭為種人所信向皆從

取計策時為盧水胡所擊比銅鉗乃將其

眾來依郡縣種人頗有犯法者臨羌長收

繫比銅鉗而誅殺其種六七百人顯宗憐

之乃下詔曰昔相公伐戎而無仁惠故春

秋貶曰齊人春秋莊公三十年齊人伐山戎公羊傳曰此齊侯也其稱人何貶也何休

注云戎亦天地之所生乃迫殺之惡不仁也今國家無德恩不及遠

羸弱何辜而當并命夫長平之暴非帝者

之功

言帝王好生惡殺故不以爲功也史記曰白起昭王時爲上將軍擊趙趙不利將軍趙括

與六十萬人請降起乃盡阬之遺其小者二百四十人

各由太守長吏妾

加殘戮比銅鉗尚生者所在致醫藥養視令招其種人若欲歸故地者厚遣送之其小種若束手自詣欲効功者皆除其罪若有逆謀爲吏所捕而獄狀未斷悉以賜有功者永平元年復遣中郎將竇固捕虜將軍馬武等擊滇吾於西邯大破之事已具武等傳滇吾遠引去餘悉散降徙七千口

二六十三小五十八

後漢列傳七十一

十三

置三輔以謁者竇林領護羌校尉居狄道林爲諸羌所信而滇岸遂詣林降林爲下吏所欺謬奏上滇岸以爲大豪承制封爲歸義侯加號漢大都尉明年滇吾復降林復奏其第一豪與俱詣闕獻見帝怪一種兩豪疑其非實以事詰林林辭窘窘窮也乃僞對曰滇岸即滇吾隴西語不正耳帝窮驗知之怒而免林官會涼州刺史又奏林臧罪遂下獄死謁者郭襄代領校尉事

隴西聞涼州羌盛還詣闕抵罪於是復省  
校尉官滇吾子東吾立以父降漢乃入居  
塞內謹愿自守而諸弟迷吾等數為寇盜  
肅宗建初元年安夷縣吏略妻卑湍種羌  
婦吏為其夫所殺安夷長宗延追之出塞  
及吾良二種相結為寇隴西太守孫純遣  
從事李睦及金城兵會和羅谷與卑湍等  
戰斬首虜數百人復拜故度遼將軍吳棠

安夷縣名屬金城郡

種人恐見誅遂共殺延而與勒姐

領護羌校尉居安夷二年夏迷吾遂與諸  
眾聚兵欲叛出塞金城太守郝崇追之戰  
於荔谷崇兵大敗崇輕騎得脫死者二千  
餘人於是諸種及屬國盧水胡悉與相應  
吳棠不能制坐徵免武威太守傅育代為  
校尉移居臨羌迷吾又與封養種豪布橋  
等五萬餘人共寇隴西漢陽於是遣行車  
騎將軍馬防長水校尉耿恭副討破之於  
是臨洮索西迷吾等悉降防乃築索西城

故城在今洮州徙隴西南部都尉成之悉復諸亭戍

至元和三年迷吾復與弟號吾諸雜種反  
叛秋號吾先輕入寇隴西界郡督烽掾李  
章追之生得號吾將詣郡號吾曰獨殺我  
無損於羌誠得生歸必悉罷兵不復犯塞  
隴西太守張紆權宜放遣羌即爲解散各  
歸故地迷吾退居河北歸義城傳育不欲  
失信伐之乃募人鬪諸羌胡羌胡不肯遂  
復叛出塞更依迷吾章和元年育上請發

後漢列傳七十七

十五

李膺

隴西張掖酒泉各五千人諸郡太守將之  
育自領漢陽金城五千人合二萬兵與諸  
郡剋期擊之令隴西兵據河南張掖酒泉  
兵遮其西並未及會育軍獨進迷吾聞之  
徙廬落去育選精騎三千窮追之夜至建  
威南三兜谷去虜數里須旦擊之不設備  
迷吾乃伏兵三百人夜突育營營中驚壞  
散走育下馬手戰殺十餘人而死者八  
百八十人及諸郡兵到羌遂引去育北

人也顯宗初爲臨羌長與捕虜將軍馬武等擊羌滇吾功冠諸軍及在武威威聲聞於匈奴食祿數十年秩奉盡贍給知友妻子不免操井曰肅宗下詔追褒美之封其子毅爲明進侯七百戶以隴西太守張紆代爲校尉將萬人屯臨羌迷吾旣殺傅育狃快邊利狃快慣習也狃音女九反快音時制反章和元年復與諸種步騎七千人入金城塞張紆遣從事司馬防將千餘騎及金城兵會戰於木乘

谷迷吾兵敗走因譯使欲降紆納之遂將種人詣臨羌縣紆設兵大會施毒酒中羌飲醉紆因自擊伏兵起誅殺酋豪八百餘人斬迷吾等五人頭以祭冢復放兵擊在山谷間者斬首四百餘人得生口二千餘人迷吾子迷唐及其種人向塞號哭與燒何當前煎當闐等相結以子女及金銀娉納諸種解仇交質將五千人寇隴西塞太守寇盱與戰於白石迷唐不利引還大小



榆谷北招屬國諸胡會集附落種衆熾盛張紆不能討永元元年紆坐徵以張掖太守鄧訓代爲校尉稍以賞賂離間之由是諸種少解東吾子東號立是時號吾將其種人降校尉鄧訓遣兵擊迷唐迷唐去大小榆谷徙居頗巖谷和帝永元四年訓病卒蜀郡太守聶尚代爲校尉尚見前人累征不克欲以文德服之乃遣驛使招呼迷唐使還居大小榆谷迷唐旣還遣祖母卑

缺詣尚尚自送至塞下爲設祖道令譯田汜等五人護送至廬落迷唐因而反叛遂與諸種共生屠裂汜等以血盟詛復寇金城塞五年尚坐徵免居延都尉貫友代爲校尉友以迷唐難用德懷終於叛亂乃遣驛使構離諸種誘以財貨由是解散友乃遣兵出塞攻迷唐於大小榆谷獲首虜八百餘人收麥數萬斛遂夾逢留大河築城爲作大航造河橋欲度兵擊迷唐迷唐乃

率部落遠依賜支河曲至八年友病卒漢陽太守史充代為校尉充至遂發湟中羌胡出塞擊迷唐而羌迎敗充兵殺數百人明年充坐徵代郡太守吳祉代為校尉其秋迷唐率八千人寇隴西殺數百人乘勝深入脅塞內諸種羌共為寇盜眾羌復悉與相應合步騎三萬人擊破隴西兵殺大夏長

大夏縣名屬隴西郡

遣行征西將軍劉尚越騎

後漢列傳七十一

九

張宗

積射及邊兵羌胡三萬人討之

五營即五校也雍營即扶

風都尉屯也黎陽營解見南匈奴傳也

尚屯狄道代屯枹罕尚

遣司馬寇盱監諸郡兵四面並會迷唐懼

弃老弱奔入臨洮南尚等追至高山迷唐

窮迫率其精強大戰盱斬虜千餘人得牛

馬羊萬餘頭迷唐引去漢兵死傷亦多不

能復追乃還入塞明年尚代並坐畏懦徵

下獄免謁者王信領尚營屯枹罕謁者耿

譚領代管屯白石譚乃設購賞諸種頗來

附迷唐恐乃請降信譚遂受降罷兵遣  
迷唐詣闕其餘種人不滿二千飢窘不立  
入居金城和帝令迷唐將其種人還大小  
榆谷迷唐以爲漢作河橋兵來無常故地  
不可復居辭以種人飢餓不肯遠出吳祉  
等乃多賜迷唐金帛令糴穀市畜促使出  
塞種人更懷猜驚十二年遂復背叛乃脇  
將湟中諸胡寇鈔而去王信耿譚吳祉皆  
坐徵以酒泉太守周鮪代爲校尉明年迷  
唐復還賜支河曲初累姐種附漢迷唐怨  
之遂擊殺其酋豪由是與諸種爲讎黨援  
益踈其狄迷唐復將兵向塞周鮪與金城  
太守侯霸及諸郡兵屬國湟中月氏諸胡  
隴西牢姐羌合三萬人出塞至允川與迷  
唐戰周鮪還營自守唯侯霸兵陷陳斬首  
四百餘級羌衆折傷種人瓦解降者六千  
餘口分徙漢陽安定隴西迷唐遂弱其種  
衆不滿千人遠踰賜支河首依發羌居明

年周鮪坐畏懦徵戾霸代爲校尉安定降  
羌燒何種脅諸羌數百人反叛郡兵擊滅  
之悉沒入弱口爲奴婢時西海及大小榆

谷左右無復羌寇隃麋相曹鳳上言

隃麋縣名

屬右扶風

西戎爲害前世所患臣不能紀古且

以近事言之自建武以來其犯法者常從  
燒當種起所以然者以其居大小榆谷土  
地肥美又近塞內諸種易以爲非難以攻  
伐南得鍾存以廣其衆北阻大河因以爲

後漢列傳二十一

二十一

李棠

固又有西海魚鹽之利緣山濱水以廣田  
畜故能彊大常雄諸種恃其權勇招誘羌  
胡今者衰困黨援壞沮親屬離叛餘勝兵  
者不過數百亡逃棲窟遠依發羌臣愚以

爲宜及此時建復西海郡縣規固二榆廣  
設屯田隔塞羌胡交關之路遏絕狂狡窺  
欲之源又殖穀富邊省委輸之役國家可  
以無西方之憂於是拜鳳爲金城西部都  
尉將徙士屯龍耆

龍耆即龍支也今鄯州縣

後金城長史

上官鴻上開置歸義建威屯田二十七部

侯霸復上置東西邯屯田五部

邯水名邯分  
流左右今在

鄆增留逢二部帝皆從之列屯夾河合三

十四部其功垂立至永初中諸羌叛乃罷  
迷唐失衆病死有一子來降戶不滿數十  
東號子麻奴立初隨父降居安定時諸降  
羌布在郡縣皆爲吏人豪右所徭役積以  
愁怨安帝永初元年夏遣騎都尉王弘發  
金城隴西漢陽羌數百千騎征西域弘迫

促發遣羣羌懼遠屯不還行到酒泉多有  
散叛諸郡各發兵徼遮或覆其廬落於是  
勒姐當煎大豪東岸等愈驚遂同時奔潰  
麻奴兄弟因此遂與種人俱西出塞先零  
別種滇零與鍾羌諸種大爲寇掠斷隴道  
時羌歸附旣久無復器甲或持竹竿木枝  
以代戈矛或負板案以爲楯或執銅鏡以  
象兵郡縣畏懦不能制冬遣車騎將軍鄧  
騭征西校尉任尚副將五營及三河三輔

汝南南陽潁川太原上黨兵合五萬人屯漢陽明年春諸郡兵未及至鍾羌數千人先擊敗隳軍於異西殺千餘人校尉侯度霸坐衆羌反叛徵免以西域都護段禧代爲校尉其冬隳使任尚及從事中郎司馬鈞率諸郡兵與滇零等數萬人戰於平襄

名縣

屬漢陽郡

尚軍大敗死者八千餘人於是滇零

等自稱天子於北地招集武都參狼止郡西河諸雜種衆遂大盛東犯趙魏南入益

後漢列傳十七

二二三

郭傳

州殺漢中太守董炳遂寇鈔三輔斷隴道湟中諸縣粟石萬錢百姓死亡不可勝數朝廷不能制而轉運難劇遂詔隳還師留任尚屯漢陽爲諸軍節度朝廷以鄧太后故迎拜隳爲大將軍封任尚樂亭侯食邑三百戶三年春復遣騎都尉任仁督諸郡屯兵救三輔仁戰每不利衆羌乘勝漢兵數挫當煎勒姐種攻沒破羌縣鍾羌又沒臨洮縣生得隴西南部都尉明年春滇零

遣人寇褒中

縣名屬漢中郡

燔燒郵亭大掠百姓

於是漢中太守鄭勤移屯褒中軍營久出

無功有廢農桑乃詔任尚將吏兵還屯長

安罷遣南陽潁川汝南吏士置京北虎牙

都尉於長安扶風都尉於雍如西京三輔

都尉故事

西京左輔都尉都高陵右輔都尉都郿也

時羌復攻褒

中鄭勤欲擊之主簿段崇諫以為虜乘勝

鋒不可當宜堅守待之勤不從出戰大敗

死者三千餘人段崇及門下史王宗原展

後漢列傳七十七

二十三

陳敏

以身扞刃與勤俱死於是徙金城郡居襄

武

襄武縣名屬隴西郡

任仁戰累敗而兵士放縱檻車

徵詣廷尉詔獄死段禧病卒復以前校尉

侯霸代之遂移居張掖五年春任尚坐無

功徵免羌遂入寇河東至河內百姓相驚

多奔南度河使北軍中候朱寵將五營士

屯孟津詔魏郡趙國常山中山繕作塢候

六百一十六所羌既轉盛而二千石令長

多內郡人並無守戰意皆爭上徙郡縣以

避寇難朝廷從之遂移隴西徙襄武

隴西郡

安定徙美陽

縣名屬右扶風

北地徙池陽

縣名屬左馮翊

上

郡徙衙

縣名屬馮翊衙音牙

百姓戀土不樂去舊遂乃

刈其禾稼發徹室屋夷營壁破積聚時連

旱蝗飢荒而驅蹙劫略流離分散隨道死

亡或弃捐老弱或為人僕妾喪其大半復

以任尚為侍御史擊眾羌於上黨羊頭山

破之

羊頭山在上黨郡穀遠縣

誘殺降者二百餘人乃罷

孟津屯其秋漢陽人杜琦及弟季貢同郡

後漢列傳

卷二十四

朱英明

王信等與羌通謀聚眾入上邽城琦自稱

安漢將軍於是詔購募得琦首者封列侯

賜錢百萬羌胡斬琦者賜金百斤銀二百

斤漢陽太守趙博遣刺客杜習刺殺琦封

習討姦侯賜錢百萬而杜季貢王信等將

其眾據樗泉營侍御史唐喜領諸郡兵討

破之斬王信等六百餘級没入妻子五百

餘人收金錢綵帛一億已上杜貢亡從滇

零六年任尚復坐徵免滇零死子零昌代



立年尚幼少同種狼莫爲其計策以杜貢  
爲將軍別居丁奚城七年夏騎都尉馬賢  
與侯霸掩擊零昌別部牢羌於安定首虜  
千人得驢騾駱駝馬牛羊二萬餘頭以畀  
得者畀音必四反元初元年春遣兵屯河內通  
谷衝要三十三所皆作塢壁設鳴鼓零昌  
遣兵寇雍城又號多與當前勒姐大豪共  
脅諸種分兵鈔掠武都漢中巴郡板楯蠻  
將兵救之漢中五官掾程信率壯士與蠻

共擊破之號多退走還斷隴道與零昌通  
謀侯霸馬賢將湟中吏人及降羌胡於枹  
罕擊之斬首二百餘級涼州刺史皮楊擊  
羌於狄道大敗死者八百餘人楊坐徵免  
侯霸病卒漢陽太守龐參代爲校尉參以  
恩信招誘之二年春號多等率衆七千餘  
人詣參降遣詣闕賜號多侯印綬遣之參  
始還居令居通河西道而零昌種衆復分  
寇益州遣中郎將尹就將南陽兵因發益

部諸郡屯兵擊零昌黨呂叔都等至秋蜀人陳省羅橫應募刺殺叔都皆封侯賜錢又使屯騎校尉班雄屯三輔遣左馮翊司馬鈞行征西將軍督右扶風仲光安定太守杜恢北地太守盛包京兆虎牙都尉耿溥右扶風都尉皇甫旗等合八千餘人又龐參將羌胡兵七千餘人與鈞分道並北擊零昌參兵至勇士東爲杜季貢所敗勇士

縣名屬天水郡

於是引退鈞等獨進攻拔丁奚城大

後漢列傳七十七

二十六

陳仲

克獲杜季貢率衆僞逃鈞令光恢包等收羌禾稼光等違鈞節度散兵深入羌乃設伏要擊之鈞在城中怒而不救光並沒死者三千餘人鈞乃遁還坐徵自殺龐參以失期軍敗抵罪以馬賢代領校尉事後遣任尚爲中郎將將羽林緹騎五營子弟三千五百人代班雄屯三輔尚臨行懷令虞詡說尚曰使君頻奉國命討逐寇賊三州屯兵二十餘萬人弃農桑疲苦徭役而未

有功效勞費日滋若此出不克誠爲使君  
危之尚曰憂惶久矣不知所如詡曰兵法  
弱不攻強走不逐飛自然之勢也今虜皆  
馬騎日行數百來如風雨去如絕絃以步  
追之勢不相及所以曠而無功也爲使君  
計者莫如罷諸郡兵各令出錢數千二十  
人共市一馬如此可捨甲冑馳輕兵以萬  
騎之衆逐數千之虜追尾掩截尾猶尋也其道  
自窮使人利事大功立矣尚大喜即上言

用其計乃遣輕騎鈔擊杜季貢於丁奚城  
斬首四百餘級獲牛馬羊數千頭明年夏  
度遼將軍鄧遵率南單于及左鹿蠡王須

沈萬騎擊零昌於靈州

縣名屬北地郡

斬首八百

餘級封須沈爲破虜侯金印紫綬賜金帛  
各有差任尚遣兵擊破先零羌於丁奚城  
秋築馮翊北界候塢五百所任尚又遣假  
司馬募陷陳士擊零昌於北地殺其妻子  
得牛馬羊二萬頭燒其廬落斬首七百餘

級得僭號文書及所沒諸將印綬四年春尚遣當闐種羌榆鬼等五人刺殺杜季貢封榆鬼爲破羌侯其夏尹就以不能定益州坐徵抵罪以益州刺史張喬領尹就軍屯招誘叛羌稍稍降散秋任尚復募効功種號封刺殺零昌封號封爲羌王冬任尚將諸郡兵與馬賢並進北地擊狼莫賢先至安定青石岸狼莫逆擊敗之會尚兵到高平

縣名屬安定郡

因合執俱進狼莫等引退乃

後漢列傳七十七

二十六

陳振

轉營迫之至北地相持六十餘日戰於富平河上大破之

富平縣屬北地郡

斬首五千級還得

所略人男女千餘人牛馬驢羊駱駝十餘

萬頭狼莫逃走於是西河虔人種羌萬一

千口詎鄧遵降五年鄧遵募上郡全無種

羌雕何等刺殺狼莫賜雕何爲羌侯封遵

武陽侯三千戶遵以太后從弟故爵封優

大任尚與遵爭功又詐增首級受賕枉法

臧千萬已上檻車徵奔市沒入田廬奴婢

財物自零昌狼莫死後諸羌瓦解三輔益州無復寇儻自羌叛十餘年間兵連師老不暫寧息軍旅之費轉運委輸用二百四十餘億府帑空竭延及內郡邊民死者不可勝數并涼二州遂至虛耗六年春勒姐種與隴西種羌號良等通謀欲反馬賢逆擊之於安故斬號良及種人數百級皆降散永寧元年春上郡沈氏種羌五千餘人復寇張掖其夏馬賢將萬人擊之初戰失

利死者數百人明日復戰破之斬首千八百級獲生口千餘人馬牛羊以萬數餘虜悉降時當煎種大豪飢等以賢兵在張掖乃乘虛寇金城賢還軍追之出塞斬首數千級而還燒當燒何種聞賢軍還率三千餘人復寇張掖殺長吏初飢五同種大豪盧忽忍良等千餘戶別留允街而首施兩端首施猶首鼠也建光元年春馬賢率兵召盧忽斬之因放兵擊其種人首虜二千餘人掠

馬牛羊十萬頭忍良等皆亡出塞壘書封  
賢安亭侯食邑千戶忍良等以麻奴兄弟  
本燒當世嫡而賢撫恤不至常有怨心秋  
遂相結共脅將諸種步騎三千人寇湟中  
攻金城諸縣賢將先零種赴擊之戰於牧  
死兵敗死者四百餘人麻奴等又敗武威  
張掖郡兵於令居因脅將先零沈氏諸種  
四千餘戶緣山西走寇武威賢追到鸞鳥  
招引之

鸞鳥縣名屬武威郡鸞音爵

諸種降者數千麻奴

後漢列傳七十一

三十

林康

南還湟中延光元年春賢追到湟中麻奴  
出塞度河賢復追擊戰破之種衆散遁詣  
涼州刺史宗漢降麻奴等孤弱飢困其年  
冬將種衆三千餘戶詣漢陽太守耿种降  
安帝假金印紫綬賜金銀綵繒各有差是  
歲虔人種羌與上郡胡反攻穀羅城度遼  
將軍耿夔將諸郡兵及烏桓騎赴擊破之  
三年秋隴西郡始還狄道焉麻奴弟犀苦  
立順帝永建元年隴西鍾羌反校尉馬賢

將七千餘人擊之戰於臨洮斬首千餘級

皆率種人降進封賢都鄉侯自是涼州無

事至四年尚書僕射虞詡上疏曰臣聞子

孫以奉祖為孝君上以安民為明此高宗

周宣所以上配湯武也禹貢雍州之域厥

田惟上且沃野千里穀稼殷積又有龜茲

鹽池以為民利上郡龜茲縣有鹽官即雍州之域也水草豐美

土宜產牧牛馬銜尾羣羊塞道北阻山河

乘院據險因渠以溉水春河漕水春即水碓也用功

後漢列傳十七

三十一

李棠

省少而軍糧饒足故孝武皇帝及光武築

朔方開西河置上郡皆為此也而遭元元

無妄之灾眾羌內潰前書音義曰無妄者無所望也萬物無所望於天灾

異之大也郡縣兵荒二十餘年夫弃沃壤之饒

損自然之財不可謂利離河山之阻守無

險之處難以為固今三郡未復園陵單外

園陵謂長安諸陵園也單外謂無守固而公卿選懦容頭過身前書

音義曰選懦柔怯也懦音而掾反張解設難但計所費不圖

其安且開聖德考行所長書奏帝乃復三

郡使謁者郭璜督促徙者各歸舊縣繕城郭置候驛既而激河浚渠為屯田省内郡費歲一億計遂令安定北地上郡及隴西金城常儲穀粟令周數年馬賢以犀苦兄弟數背叛因繫質於令居令音零其冬賢坐徵免右扶風韓皓代為校尉明年犀苦詣皓自言求歸故地皓復不遣因轉湟中屯田置兩河間以逼羣羌皓復坐徵張掖太守馬續代為校尉兩河間羌以屯田近之恐必見圖乃解仇詛盟各自備備續欲先示恩信乃上移屯田還湟中羌意乃安至陽嘉元年以湟中地廣更增置屯田五部并為十部二年夏復置隴西南部都尉如舊制前書南部都尉都隴西郡臨洮縣三年鍾羌良封等復寇隴西漢陽詔拜前校尉馬賢為謁者鎮撫諸種馬續遣兵擊良封斬首數百級四年馬賢亦發隴西吏士及羌胡兵擊殺良封斬首千八百級獲馬牛羊五萬餘頭良封



親屬並詣實降賢復進擊鍾羌且昌且昌  
等率諸種十餘萬詣涼州刺史降永和元  
年馬續遷度遼將軍復以馬賢代爲校尉  
初武都塞上白馬羌攻破屯官反叛連年  
二年春廣漢屬國都尉擊破之斬首六百  
餘級馬賢又擊斬其渠帥飢指累祖等三  
百級於是隴右復平明年冬燒當種那離  
等三千餘騎寇金城塞馬賢將兵赴擊斬  
首四百餘級獲馬千四百匹那離等復西

招羌胡殺傷吏民四年馬賢將湟中義從  
兵及羌胡萬餘騎掩擊那離等斬之獲首  
虜千二百餘級得馬騾羊十萬餘頭徵賢  
爲弘農太守以來機爲并州刺史劉秉爲  
涼州刺史並當之職大將軍梁商謂機等  
曰戎狄荒服蠻夷要服

荒服在九州之外也言其荒忽無常要服在九

州之內戾衛之外言以文德要來之

言其荒忽無常而統領之道

亦無常法臨事制宜略依其俗今三君素  
性疾惡欲分明白黑孔子曰人而不仁疾

之已甚亂也

論語文也鄭玄注去不仁之人此風化之疾之已甚是又使之為亂

況戎狄乎其務安羌胡防其大故忍其小

過機等天性虐刻遂不能從

虐或作庸庸薄也

到州

之日多所擾發五年夏且陳傳難種羌等

遂反叛攻金城與西塞及湟中雜種羌胡

大寇三輔殺害長吏機秉並坐徵於是發

京師近郡及諸州兵討之拜馬賢為征西

將軍以騎都尉耿叔副將左右羽林五校

士及諸州郡兵十萬人屯漢陽又於扶風

後漢列傳七十一

三十四

夫佐

漢陽隴道作塢壁三百所置屯兵以保聚

百姓且凍分遣種人寇武都燒隴關掠苑

馬六年春馬賢將五六千騎擊之到射姑

山

射音夜

賢軍敗賢及二子皆戰歿順帝愍

之賜布三千匹穀千斛封賢孫光為舞陽

亭侯租入歲百萬遣侍御史督錄征西營

兵存恤死傷於是東西羌遂大合鞏唐種

三千餘騎寇隴西又燒園陵掠關中殺傷

長吏郃陽令任頽追擊戰死

郃陽同州縣也頽音於筠反

遣中郎將龐浚募勇士千五百人頓美陽  
為涼州援武威太守趙冲追擊鞏唐羌斬  
首四百餘級得馬牛羊驢萬八千餘頭羌  
二千餘人降詔冲督河西四郡兵為節度  
罕種羌千餘寇北地北地太守賈福與趙  
冲擊之不利秋諸種八九千騎寇武威涼  
部震恐於是復徙安定居扶風北地居馮  
翊遣行車騎將軍執金吾張喬將左右羽  
林五校士及河内南陽汝南兵萬五千屯  
三輔漢安元年以趙冲為護羌校尉冲招  
懷叛羌罕種乃率邑落五千餘户詣冲降  
於是罷張喬軍屯淮燒何種三千餘落據  
參蒞北界

參蒞縣名屬安定郡蒞音力全反

三年夏趙冲與

後漢列傳七十七 三十五

陳飛

首八百級

阿陽縣屬漢陽郡

於是諸種前後三萬餘

戶詣涼州刺史降建康元年春護羌從事

馬玄遂為諸羌所誘將羌眾亡出塞領護  
羌校尉衛瑤追擊玄等斬首八百餘級得  
牛馬羊二十餘萬頭趙冲復追叛羌到建  
威鷓陰河續漢書建威作武威鷓陰縣名屬安定郡軍度竟所將  
降胡六百餘人叛走冲將數百人追之遇  
羌伏兵與戰歿冲雖身死而前後多所斬  
獲羌由是衰耗永嘉元年封冲子愷義陽  
亭侯以漢陽太守張貢代為校尉左馮翊  
梁並稍以恩信招誘之於是離湍狐奴等

後漢列傳七十七

三十六

林志遠

五萬餘戶詣並降隴右復平並大將軍集  
之宗人封為鄆侯邑二千戶自永和羌叛  
至乎是歲十餘年間費用八十餘億諸將  
多斷盜牢稟私自潤入前書音義曰牢價直皆以珍

寶貨賂左右上下放縱不恤軍事士卒不  
得其死者白骨相望於野桓帝建和二年  
白馬羌寇廣漢屬國殺長吏是時西羌及  
湟中胡復畔為寇益州刺史率板楯蠻討  
破之斬首招降二十萬人永壽元年校尉

張貢卒以前南陽太守弟五訪代爲校尉  
甚有威惠西垂無事延熹二年訪卒以中  
郎將段熲代爲校尉時燒當八種寇隴右  
熲擊大破之四年零吾復與先零及上郡  
沈氏牢姐諸種并力寇并涼及三輔會段  
熲坐事徵以濟南相胡閔代爲校尉閔無  
威略羌遂陸梁覆沒營塢寇患轉盛中郎  
將皇甫規擊破之五年沈氏諸種復寇張  
掖酒泉皇甫規招之皆降事已具規傳烏

後漢列傳七十七

三十七

蔡仁

吾種復寇漢陽隴西金城諸郡兵共擊破  
之各還降附至冬滇那等五六千人復攻  
武威張掖酒泉燒民廬舍六年隴西太守  
孫羌擊破之斬首溺死三千餘人胡閔疾  
復以段熲爲校尉永康元年東羌岸尾等  
脅同種連寇三輔中郎將張奐追破斬之  
事已具奐傳當前煎羌寇武威破羌將軍段  
熲復破滅之餘悉降散事已具熲傳靈帝  
建寧三年燒當羌奉使貢獻中平元年北

地降羌先零種因黃巾大亂乃與漢中羌  
義從胡北宮伯玉等反寇隴右事已具董  
卓傳興平元年馮翊降羌反寇諸縣郭汜  
樊稠擊破之斬首數千級自爰劍後子孫  
支分凡百五十種其九種在賜支河首以  
西及在蜀漢徼北前史不載口數唯參狼  
在武都勝兵數千人其五十二種衰少不  
能自立分散為附落或絕滅無後或引而  
遠去其八十九種唯鍾最強勝兵十餘萬

其餘大者萬餘人小者數千人更相鈔盜  
盛衰無常無慮順帝時勝兵合可二十萬

人

無慮猶  
都凡也

發羌唐旄等絕遠未嘗往來犛牛

白馬羌在蜀漢其種別名號皆不可紀知  
也建武十三年廣漢塞外白馬羌豪樓登  
等率種人五千餘戶內屬光武封樓登為  
歸義君長至和帝永元六年蜀郡徼外大  
牂夷種羌豪造頭等率種人五十餘萬口  
內屬拜造頭為邑君長賜印綬至安帝永

初元年蜀郡徼外羌龍橋等六種萬七千二百八十口內屬明年蜀郡徼外羌薄申等八種三萬六千九百口復舉土內屬冬廣漢塞外參狼種羌二千四百口復來內屬桓帝建和二年白馬羌千餘人寇廣漢屬國殺長吏益州刺史率板楯蠻討破之湟中月氏胡其先大月氏之別也舊在張掖酒泉地月氏王與匈奴冒頓所殺餘種分散西踰葱嶺其羸弱者南入山阻依諸

羌居止遂與共婚姻及驃騎將軍霍去病破匈奴取西河地開湟中於是月氏來降與漢人錯居雖依附縣官而首施兩端其從漢兵戰鬪隨執強弱被服飲食言語略與羌同亦以父名母姓爲種其大種有七勝兵合九千餘人分在湟中及今居又數百戶在張掖號曰義從胡中平元年與北宮伯玉等反殺護羌校尉泠徵金城太守陳懿遂寇亂隴右焉

論曰羌戎之患自三代尚矣漢世方之匈奴頗為衰寡而中興以後邊難漸大朝規失綏御之和戎帥騫然諾之信其內屬者或倥偬於豪右之手或屈折於奴僕之勤塞候時清則憤怒而思禍桴革暫動則屬鞬以鳥驚桴擊鼓槌也革甲也鞬箭服也左傳晉文公曰右屬橐鞬鞬音紀言反故永初之間羣種蜂起遂解仇嫌結盟詛招引山豪轉相嘯聚揭木為兵負柴為械穀馬揚埃陸梁於三輔建號稱制恣睢於北

後漢列傳七十七

四十一

章英

地

前書班固曰乃始恣睢奮其威詐恣睢肆怒之貌也睢音火季反

東犯趙魏之

郊南入漢蜀之鄙塞湟中斷隴道燒陵園

剽城市傷敗踵係羽書日間

羽書即檄書也魏武奏事曰邊

有警言急即插羽以示急也

并涼之士特衝殘斃壯悍則委

身於兵場女婦則微纏而為虜

說文曰微糾繩也纏索也

發冢露骨死生塗炭

冢音才賜反

自西戎作逆

未有陵斥上國若斯其熾也和熹以女君

親政威不外接朝議憚兵力之損情存苟

安或以邊州難援宜見捐弃或懼疽食



滂莫知所限謀夫回遑猛士疑慮遂徙西  
河四郡之人雜寓關右之縣隘以屋伐樹塞  
其戀土之心燔破貲積以防顧還之思於  
是諸將鄧騭任尚馬賢皇甫規張奐之徒  
爭設雄規更奉征討之命徵兵會衆以圖  
其隙馳騁東西奔救首尾搖動數州之境  
日耗千金之資至於假人增賦借奉戾王  
引金錢縑綵之珍徵糧粟鹽鐵之積所以  
賂遺購賞轉輸勞來之費前後數十巨萬

或梟剋酋健摧破附落降俘載路牛羊滿  
山軍書未奏其利害而離叛之狀已言矣

奏猶上也

故得不酬失功不半勞暴露師徒連

年而無所勝官人屈竭烈士憤喪段熲受  
事專掌軍任資山西之猛性練戎俗之態  
情窮武思盡飈銳以事之被羽前登身當  
百死之陳前書揚雄曰蒙盾負羽也蒙沒冰雪經履千折  
之道始殒西種卒定東寇若乃陷擊之所  
殲傷追走之所崩籍頭顱斷落於萬丈之

山支革判解於重崖之上不可校計顧音盧廣雅曰

顧顛顛也支謂四支革皮也其能穿竄草石自脫於鋒鏃

者百不一二而張奐盛稱戎狄一氣所生

不宜誅盡流血汗野傷和致妖是何言之

迂乎羌雖外患實深內疾若攻之不根是

養疾疴於心腹也根謂盡其根本惜哉寇敵略定矣

而漢祚亦衰焉嗚呼昔先王疆理九土判

別畿荒知夷貊殊性難以道御故斥遠諸

華薄其貢職唯與辭要而已若二漢御戎

之方失其本矣何則先零侵境趙充國遷

之內地宣帝時後將軍趙充國擊先零還於金城郡置屬國以處降羌當前作寇

馬文淵徙之三輔貪其暫安之執信其馴

服之情計日用之權宜忘經世之遠略豈

夫識微者之為乎故微子垂泣於象箸帝王

紀曰紂作象箸箕子為父師歎曰象箸不施於土簋不盛於菽藿必須犀玉之杯食熊蹯豹胎臣賢察史

記及韓子並云箕辛有浩歎於伊川也左傳

一今云微子蓋誤平王之東遷也大夫辛有適伊川見被髮而祭於野

者曰不及百年此其戎乎後秦遷陸渾戎于伊川言國之地不宜徙戎居之後將為患也

贊曰金行氣剛播生西羌氏豪分種遂用  
殷彊虔劉隴北假僭涇陽涇陽縣屬安定郡朝勞  
內謀兵憊外攘憊疾亟也音白拜反

後漢書列傳卷第七十七





